



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0005562 12
Sarajevo, 30.12.2022. godine

SUD BOSNE I HERCEGOVINE
- Sudiji za prethodno saslušanje –
S A R A J E V O

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

O P T U Ź N I C U

PROTIV:

Rajka Drljače, rođenog 1948. godine u , općini Novi Grad, , državljanina BiH, R Srbije i Slovenije,

Milić Bućana, rođenog 1951. godine u mjestu Prkos, R Hrvatska, državljanina BiH,

Gorana Jorgića, rođenog 1969. godine u Banja Luci, državljanina BiH,

Goranfa Bojića, rođenog 1968. godine u Kneževu, državljanina BiH,

Svetislava Cvijetića, rođenog 1974. godine u Prnjavoru, državljanina BiH,

- Uroša Graba,** [redacted] rođenog [redacted] 1964.godine u mjestu Orahovica, R Hrvatska,
[redacted] državljanina BiH, [redacted]
- Aleksandara Jankovića,** [redacted] rođenog [redacted] 1971. godine u Banja Luci, [redacted]
[redacted] državljanina BiH, [redacted]
- Igora Kljakića,** [redacted] rođenog [redacted] 1967. godine u Banja Luci, [redacted]
[redacted] državljanina BiH, [redacted]
- Milenka Letića,** [redacted] rođenog [redacted] 1971. godine u Tesliću, [redacted]
[redacted] državljanina BiH, [redacted]
- Borislava Milakovića,** [redacted] rođenog [redacted] 1967. godine u [redacted], Banja Luci,
[redacted] državljanina BiH, [redacted]
- Draška Radusinovića,** [redacted] rođenog [redacted] 1963. godine u [redacted]
Banja Luci, [redacted] državljanina BiH [redacted]
- Gojka Soldata,** [redacted], rođenog [redacted] 1951.godine u [redacted], Mrkonjić Gradu,
[redacted] državljanina BiH, [redacted]
- Mile Vučkovića,** [redacted] rođenog [redacted] 1964. godine u Banja Luci [redacted]
[redacted], državljanina BiH, [redacted]
- Gorana Savića,** [redacted] rođenog [redacted] 1974. godine u [redacted], Banja Luci, [redacted]
[redacted] državljanina BiH [redacted]
- Duška Drljače,** [redacted] rođenog [redacted] 1968. godine u [redacted],
općini Novi Grad, [redacted] državljanina BiH, [redacted]

Što su,

Za vrijeme rata u Bosni i Hercegovini, u vrijeme oružanog sukoba između Armije Bosne i Hercegovine i Hrvatskog vijeća odbrane sa jedne strane i Vojske Republike Srpske sa druge strane, kao pripadnici Vojske Republike Srpske (VRS) i to Rajko Drljača kao upravnik Vojno istražnog zatvora Banja Luka zv. „Mali Logor“ (VIZ), Bučan Milić kao zamjenik upravnika VIZ -a, Mile Vučković zv. „Vučko“, Goran Bojić, Uroš Grab, Draško Radusinović, Milenko Letić,

Borislav Milaković, Svetislav Cvijetić, Aleksandar Janković zv. Aco, Gojko Soldat zv. Goja, Goran Savić zv. Paprika, Igor Kljakić zv. Čadžo, Goran Jorgić zv. Jorga i Duško Drljača zv. Dule kao stražari u VIZ-u, postupali suprotno pravilima međunarodnog humanitarnog prava ito odredbe člana 3. stav 1. tačka a) i c) IV Ženevske konvencije o zaštiti civilnih lica za vrijeme rata od 12.08.1949. godine, kao i odredbe člana 3. stav 1. tačka a) i c) i stav 2. III Ženevske konvencije o postupanju sa ratnim zarobljenicima od 12.08.1949. godine, u periodu od avgusta 1992. godine do decembra 1995. godine, u prostorijama VIZ-a u Banja Luci te prilikom dovođenja u VIZ ili odvođenja iz istog, prema civilima pripadnicima nesrpske nacionalnosti i ratnim zarobljenicima pripadnicima Hrvatskog vijeća odbrane (HVO) i Armije Bosne i Hercegovine (ABiH), na način da su:

I Rajko Drljača – upravnik VIZ

Kao upravnik Vojno istražnog zatvora Banja Luka zv. „Mali logor“ (VIZ) činio, naredio, omogućio i nije spriječio nečovječno postupanje prema zatvorenima, pa je tako:

I a) Rajko Drljača

1. U periodu od avgusta 1992. godine do decembra 1995. godine, u VIZ-u među zatvorenima protiv kojih je vođen postupak pred Vojnim sudom Banja Luka, dijelom protivzakonito držao zatvorenim civile nesrpske nacionalnosti i ratne zarobljenike odnosno lišio ih prava na pravilno i nepristrasno suđenje među kojima su bili ratni zarobljenici [REDACTED]
2. Od avgusta 1992. godine do decembra 1995. godine, u VIZ-u postupao nečovječno prema zatvorenima, civilima nesrpske nacionalnosti i ratnim zarobljenicima, koje je držao zatvorenim, u nehumanim i surovim uvjetima opasnim po zdravlje, zatvorene u neuvjetne i prenatrane ćelije, dijelom u ćelijama gdje nije bilo dnevne svjetlosti, gdje su spavali na podu bez jastuka, ćebad nije bila obezbjeđena u dovoljnim količinama, imali ograničen pristup mokrom čvoru, nuždu vršili u kanti i to jednoj kanti u ćeliji sa velikim brojem zatvorenika pa su kante bile pretrpane, pa se zbog neodgovarajuće higijene među zatvorenicama pojavile vaške, pri čemu im nije pružena adekvatna medicinska pomoć, dobijali nedovoljnu količinu hrane neodgovarajuće kvalitete pa su mnogi zatvorenici tokom boravka u VIZ značajno izgubili na tjelesnoj težini, nije im bila obezbjeđena adekvatna odjeća, nije bilo grijanja, nije im pružana adekvatna medicinska pomoć kako onima koji su bili ranjeni tako i bolesnim i sa povredama od premlaćivanja, a pojedine zatvorenike držao u samicama gdje su držani u posebno surovim i nehumanim uvjetima, duži vremenski period nije omogućen pristup prostorijama VIZ-a i zatvorenima od strane predstavnika Međunarodnog crvenog križa, a zatvorenik [REDACTED] duži vremenski period od nekoliko godina držan u samici, a da Međunarodnom crvenom križu nikada nije omogućen pristup navedenom zatvoreniku.
3. U periodu od avgusta 1992. godine do decembra 1995. godine, u ćelijama VIZ-a, omogućio zatvorenima – pripadnicima VRS nečovječno postupanje prema drugim zatvorenima nesrpske nacionalnosti kako civilima tako i ratnim zarobljenicima koje se ogleda u tome da su zatvorenici –pripadnici VRS pored povlaštenog položaja u odnosu na ostale zatvorenike jer su jedini od zatvorenika spavali na krevetima, imali neograničene posjete, mogli koristiti tranzistore u ćelijama kao i druge pogodnosti, imali status starješina sobe pa su im drugi zatvorenici nesrpske nacionalnosti koji su bili diskriminirani obavljali sve što bi od njih

tražili i pri tome su ostale zatvorenike dodatno na razne načine maltretirali, psihički i fizički zlostavljali uključujući i seksualno zlostavljanje, koji postupci su vrlo često imali karakter naročito uvredljivih i ponižavajućih a osumnjičeni umjesto da u ćelije smješta odvojeno zatvorenike pripadnike VRS od drugih zatvorenika, držao je zatvorene zajedno zatvorenike – pripadnike VRS-a, zatvorenike - civile nesrpske nacionalnosti i ratne zarobljenike pripadnike HVO-a i ABiH i sa postupcima zatvorenika – pripadnika VRS se saglasio, što je sve za posljedicu imalo nanošenje velikih patnji diskriminiranim zatvorenicima i povređivanja njihovog osobnog dostojanstva.

4. Tačno neutvrđenog dana krajem oktobra 1992. godine, kada su ratni zarobljenici [REDACTED], [REDACTED] i drugi dovedeni u VIZ, nečovječno postupao prema istima, tako što je dopustio njemu podređenim stražarima da u njegovom prisustvu u hodniku, u koji su oštećeni uvedeni sa pognutim glavama i rukama na leđima, nakon što im je naredeno da se okrenu prema zidu sa podignuta tri prsta i raširenih nogu, iste udaraju tako jako da su neki od oštećenih od tih udaraca pali, trpili su jaku tjelesnu i duševnu bol, nanosena im je velika patnja, dok je on sjedio u prostoriji na kojoj su bila otvorena vrata iz hodnika i mogao je da vidi i čuje šta se dešava na hodniku, pa iako je bio dužan da takvo nečovječno postupanje prema zatvorenicima spriječi, to nije učinio, već se sa takvim postupkom saglasio.
5. Tačno neutvrđenog dana u septembru 1992. godine, u jutarnjim satima, kada mu je u kancelariju uveden ratni zarobljenik [REDACTED] prema istome, postupao nečovječno tako da ga je dva puta ošamario i rekao mu da znaju sve o njemu, u kakvom je položaju, gdje se nalazi, kakva su pravila i da se naspram svega toga mora i ponašati, nanoseći mu time velike patnje, a više puta u periodu od septembra 1992. godine do kraja jula 1993. godine, nečovječno postupao prema ratnom zarobljeniku [REDACTED] tako što je dopustio njemu podređenim stražarima da se u njegovom prisustvu u prostorijama mokrog čvora u VIZ, izivljavaju nad navedenim zatvorenikom tako što su ga stavili između sebe, stali u krug oko njega, tražili su od istog da se okrene tako da nijednom od njih ne okrene leđa a onda su ga zvjerski tukli posebno kada bi pao dole, nanoseći mu time velike patnje i povređujući njegovo osobno dostojanstvo, pa iako je bio dužan da takvo nečovječno postupanje prema zatvoreniku spriječi, to nije učinio, već se sa takvim postupkom saglasio.
6. Krajem novembra ili početkom decembra 1993. godine, odmah pošto je ratni zarobljenik [REDACTED] doveden u VIZ, prema istome, prilikom njegovog predstavljanja upravniku zatvora i ostalim zatvorenicima, postupao nečovječno tako što ga je nekoliko puta udario šakom u predjelu lica pri tome govoreći ostalim zatvorenicima da je zatvorenik [REDACTED] [REDACTED] klao, silovao Srbe i da znaju sa kim su u ćeliji, čime je kod navedenog zatvorenika izazvao velike patnje.
7. U prvoj polovini novembra 1993. godine, odmah po dolasku ratnog zarobljenika [REDACTED] [REDACTED] u VIZ, prema istome, postupao nečovječno tako što ga je tukao u prostorijama VIZ-a izazivajući kod njega pri tome velike patnje.
8. Tačno neutvrđenog dana početkom novembra 1992. godine, u noćnim satima kada je ratni zarobljenik [REDACTED] dovezen iz logora „Manjača“ u VIZ i doveden u njegovu kancelariju predstavio mu se kao upravnik i rekao mu da je on tu glavni i odgovorni, nakon čega ga je ispitivao, te je nečovječno postupao prema istom tako što je pozvao njemu podređene stražare koji su bili ispred vrata njegove kancelarije, naredio im da ga istuku jer je on „klao srpsku djecu“, a onda im je rekao broj ćelije u koju će ga smjestiti što su oni i

učinili i to prvo su ga istukli, a onda su ga smjestili u ćeliju, što je kod navedenog zatvorenika izazvalo velike patnje.

9. U periodu od početka novembra 1992. godine do 09. oktobra 1993. godine, nečovječno postupao prema ratnom zarobljeniku [REDACTED] tako što je u više navrata dok je u jutarnjim satima obilazio ćelije, u ćeliji u kojoj je bio [REDACTED] pitao ima li problema, tuče li vas ko, a zatvorenici su iz straha odgovarali da ih niko ne tuče jer su iz iskustva znali ako kažu da su tučeni da će ih još više tući i pokazao bi tada prstom na više zatvorenika koji treba da se izvedu na hodnik, pa je tako prstom pokazao i na [REDACTED] koji je izveden sa drugim zatvorenicima, pa kada su izvedeni na hodnik prvo ga je on osobno ošamario 2-3 puta, a onda rekao stražarima koji su bili u njegovoj pratnji da nastave dalje, nakon čega su oštećenom i drugim zatvorenicima stražari naredili da se okrenu prema zidu sa glavom spuštenom prema podu, a onda su oštećenog kao i druge zatvorenike stražari po naređenju upravnika nastavili tući u njegovom prisustvu nanoseći im time velike patnje od kojih udaraca pojedini zatvorenici nisu mogli ustati i tada bi naredili drugim zatvorenicima iz iste ćelije da ih unesu u ćeliju.
10. Više puta u periodu od početka novembra 1992. godine do 09. oktobra 1993. godine, prilikom šetnje ratnog zarobljenika [REDACTED] i drugih zatvorenika u krugu zatvora prema njima nečovječno postupao tako što bi im dobacivao „gledajte ustaše i balije, sve je ovo trebalo pobiti, zaklati“ nanoseći im tako duševnu bol, a kada su ih zatvorenici – pripadnici VRS nakon toga na istom mjestu, ohrabreni njegovim riječima, tukli u njegovom prisustvu, on ih u tome nije spriječio nego se sa takvim njihovim postupkom saglasio, što je kod [REDACTED] i drugih zatvorenika izazvalo velike patnje.
11. Tačno neutvrđenog dana u periodu od početka novembra 1992. godine do 09. oktobra 1993. godine, prilikom dovođenja oštećenog [REDACTED] iz VIZ-a na suđenje, nečovječno postupao prema oštećenom tako što je dopustio dvojici njemu podređenih vojnih policajaca-stražara u podrumskim prostorijama Sud-a da ga tuku u njegovom prisustvu i u tome ih nije spriječio, mada je bio dužan da to učini, nego se sa takvim postupkom vojnih policajaca saglasio i pri tome govorio [REDACTED] da prizna i da ga neće više niko dirati što je sve kod istoga izazvalo velike patnje.
12. U periodu od aprila 1993. godine do kraja jula 1993. godine, više puta kada su stražari ViZ-a dovodili zatvorenika [REDACTED] na ispitivanje u njegovu kancelariju, omogućio stražarima nečovječno postupanje prema istome, koji je ispitivan na način da je bio okrenut prema zidu sa podignutim rukama uza zid i kada bi na pitanje odgovorio da ne zna stražari bi ga tu u njegovom prisustvu pretukli nanoseći mu veliku tjelesnu i duševnu bol od kojih udaraca je imao povrede po cijelom tijelu i glavi, u čemu ih nije spriječio, mada je bio dužan da to učini, nego se sa takvim postupkom stražara saglasio što je sve za posljedicu imalo velike patnje oštećenog [REDACTED].
13. Tačno neutvrđenog dana u periodu od početka marta 1995. godine do decembra 1995. godine, nakon što su stražari posumnjali da je zatvorenik [REDACTED] prilikom posjete uzeo „nešto nedozvoljeno“ i doveli ga u njegovu kancelariju, nečovječno postupao prema istome tako što je pokušao iznuditi od [REDACTED] priznanje da je ipak uzeo „nešto nedozvoljeno“ pri čemu mu je prijetio govoreći mu „zna li šta ga čeka ako je uzeo „nešto nedozvoljeno“ a neće da prizna, pa kako [REDACTED] koji nije uzeo „nešto nedozvoljeno“ to nije htio da

prizna naredio je njemu podređenim stražarima da ga smjeste u samicu, a nakon nekog vremena ponovo je vraćen u njegovu kancelariju na novo ubjeđivanje, pa kako i to nije rezultiralo [REDACTED] priznanjem, navedeni oštećeni - zatvorenik i svi drugi zatvorenici iz njegove ćelije dovedeni su u „šetnju“ hodnikom ispred njegove kancelarije, a kada je „šetnja“ završena [REDACTED] je vraćen u samicu u kojoj je proveo 12 dana, a što je sve za posljedicu imalo nanošenje velikih patnji oštećenom [REDACTED].

14. Početkom avgusta 1992. godine, kada je ratni zarobljenik [REDACTED] sa više drugih zatvorenika doveden iz logora „Manjača“ u VIZ, nečovječno postupao prema navedenom oštećenom tako što je dopustio stražarima da u prostoriji, u koju je smješten oštećeni [REDACTED] sa ostalim zatvorenicima, prilikom samog ulaska u istu narede da se oštećeni okrenu prema zidu i tu su ih tukli što je trajalo nekih 40-tak minuta pri čemu su neki od zatvorenika gubili svijest i pri čemu je [REDACTED] i ostalim zatvorenicima nanescena velika patnja, pa iako je cijelo vrijeme bio prisutan – stajao na ulazu u tu prostoriju, nije spriječio stražare da tuku zatvorenike, mada je bio dužan da to učini, nego se sa takvim postupkom stražara saglasio.
15. Početkom oktobra 1992. godine, kada je ratni zarobljenik [REDACTED], pošto je 30-tak dana ponovo proveo u logoru Manjača, vraćen u VIZ, omogućio nečovječno postupanje njemu podređenim vojnim policajcima - stražarima prema istome, tako što je navedeni oštećeni doveden u njegovu kancelariju sa još nekoliko zatvorenika gdje su u njegovom prisustvu bili pretučeni od više vojnih policajaca – stražara u čemu ih nije spriječio, iako je bio dužan da to učini nego se sa takvim postupkom stražara saglasio, pri čemu je [REDACTED] i ostalim zatvorenicima nanescena velika patnja.
16. Tačno neutvrđenog dana u periodu od početka oktobra 1992. godine pa do početka februara ili marta 1993. godine, nečovječno postupao prema ratnom zarobljeniku [REDACTED] koji je izveden iz ćelije i doveden na ispitivanje u njegovu kancelariju, gdje ga je prisiljavao da prizna odnosno da potpiše priznanje da je zaklao pet srpskih vojnika, pri čemu mu je stavio nož pod grlo, pa kada zatvorenik [REDACTED] nije potpisao priznanje prvo je pretučen od strane njemu podređenih stražara, što je on vidio a u čemu ih nije spriječio, iako je bio dužan da to učini, nego se sa takvim njihovim postupkom saglasio, a tek onda vraćen u ćeliju što je sve kod istoga izazvalo velike patnje.
17. Tačno neutvrđenog dana u periodu od kraja oktobra ili početka novembra 1994. godine do decembra 1995. godine, nečovječno postupao prema ratnom zarobljeniku [REDACTED] koji je doveden od strane neidentifikovana dva stražara u njegovu kancelariju, gdje su mu stražari rekli da sjedne na jednu stolicu a onda mu se osumnjičeni arogantno, galameći, povišenim tonom, drsko obratio i pitao ga „je li istina da si sve to počinio“, pa kako je imao agresivan nastup prema navedenom zatvoreniku, isti je samo slijegao ramenima i nije ništa odgovarao, odnosno negirao je koliko je smio, nakon čega je naredio stražarima da ga izvedu iz te prostorije na hodnik gdje su mu stražari naredili da digne ruke i okrene se prema zidu i tu su ga stražari udarali, palicama, rukama i nogama od kojih udaraca je neko vrijeme bio zgrbljen i otečen, u čemu ih osumnjičeni nije spriječio, a bio je obavezan da to uradi, nego se sa takvim njihovim postupkom saglasio, pa je došao na hodnik i tukao oštećenog na isti način zajedno sa stražarima, pa kada je oštećeni pao na tlo svi su ga udarali nogama po svim dijelovima tijela i po glavi od kojih udaraca je dugo imao modrice, a onda su ga tako izudarano stražari natjerali da ide u mokri čvor i opere se, a nakon toga i da obriše krv na

mjestu gdje je bio udaran, što je sve za posljedicu imalo nanošenje velikih patnji oštećenom [REDACTED].

18. U prvoj polovini novembra 1993. godine, odmah po dolasku ratnog zarobljenika [REDACTED] u VIZ, prema istome postupao nečovječno tako što je u pratnji neidentifikovanih stražara došao u ćeliju br. 2 u koju je navedeni oštećeni smješten i jako ga udario nekoliko puta nogom u predjelu trbuha govoreći mu „otkud balija u ustaškoj vojsci“, izazivajući kod navedenog oštećenog jaku fizičku i psihičku bol i patnje.
19. Tačno neutvrđenog dana u periodu od prve polovine novembra do 20.08.1994. godine, nečovječno postupao prema ratnom zarobljeniku [REDACTED] koga je pozvao u svoju kancelariju na ispitivanje, gdje su ga doveli neidentifikovani stražari, a zbog toga što je komunicirao sa [REDACTED] zarobljenim pilotom HV-a koji je dugi vremenski period od nekoliko godina koje je nezakonito proveo u VIZ-u, bio smješten u samici i sakrivan od Međunarodnog crvenog križa, kojom prilikom je rekao [REDACTED] da nije dostojan da udiše „srpski vazduh“ te je naredio njemu podređenim stražarima rekavši „vodite ovo đubre i polomite ga“, nakon čega su ga dva stražara izvela u hodnik ispred kancelarije upravnika zatvora, ugasili svjetla, te ga pretukli udarajući ga rukama, nogama i palicama po cijelom tijelu osim po glavi, bio je sav modar, osjećao jake bolove i strah, a sve je to za posljedicu imalo nanošenje velikih patnji oštećenom [REDACTED].
20. U periodu od kraja septembra ili početka oktobra 1992. godine do januara 1993. godine, nečovječno postupao prema zatvoreniku [REDACTED] koji je više puta iz ćelije dovođen u njegovu kancelariju, gdje ga je ispitivao, a dok ga je on ispitivao stražari su ga u njegovom prisustvu tukli nanoseći mu velike patnje u čemu ih nije spriječio, što je bio dužan da uradi nego se sa njihovim postupkom saglasio.
21. Tačno neutvrđenog dana u periodu od oktobra 1992. godine do decembra 1992. godine, nečovječno postupao prema zatvoreniku [REDACTED] tako što je ušao u ćeliju u kojoj je bio smješten [REDACTED] koji se prilikom njegovog ulaska nije okrenuo prema zidu, zbog čega mu je isti opalio šamar nanoseći mu jaku tjelesnu i duševnu bol i patnju i izašao iz ćelije, a tada je oštećenom [REDACTED] jedan zatvorenik - pripadnik VRS rekao da se uvijek kada uđe u ćeliju neko od stražara, a pogotovo upravnik, mora okrenuti licem prema zidu i staviti ruke na zid.

I b) Rajko Drljača, Duško Drljača i Goran Jorgić

22. Tačno neutvrđenog dana u novembru 1992. godine, kada su ratni zarobljenik [REDACTED] [REDACTED] dovezeni iz logora „Manjača“ u VIZ, prema njima nečovječno postupali tako što je Rajko Drljača kao upravnik VIZ-a, dopustio da njemu podređeni vojni policajci-stražari Duško Drljača i Goran Jorgić u hodniku, u koji su navedeni oštećeni uvedeni, premlaćuju iste, sa još nekoliko drugih neidentifikovanih stražara u prisustvu osumnjičenog Rajka Drljače, pri čemu su oštećeni držali ruke uza zid i glavu pognutu u kom položaju su ih navedeni stražari udarali izazivajući kod njih jaku tjelesnu i duševnu bol i velike patnje, od kojih udaraca su zatvorenici bili otečeni i modri, a najviše su udarali [REDACTED] [REDACTED], koji nije bio mentalno zdrava osoba i koji im je u jednom momentu nešto opsovao, pa su ga oborili na zemlju, gazili ga i udarali čime god su stigli nanoseći mu povrede od kojih povreda je isti, nakon što je tako povrijeđen unesen na nosilima u ćeliju, bio bez

svijesti sa dosta vidnih povreda na tijelu i krkljao, preminuo u bolnici u Banja Luci 20.11. 1992. godine gdje je odvezen iz VIZ-a, a nosili su ga zatvorenici [REDACTED], da bi 5.12.1992. godine, bio sahranjen na „Gradskom groblju“ u Banja Luci na lokaciji [REDACTED], a osumnjičeni Rajko Drljača iako je, kao upravnik zatvora, bio dužan da takvo nečovječno postupanje prema zatvorenicima spriječi, to nije učinio, već se sa takvim postupkom stražara saglasio.

II Bućan Milić – zamjenik upravnika VIZ-a

23. Dana 13.06.1993. godine u Policijskoj stanici u Šipragama – Kotor Varoš, preuzeo je oštećenog [REDACTED] koji je lišen slobode kod svoje kuće u Šipragama, a nakon toga od strane milicionera Policijske stanice u Šipragama odveden u navedenu Policijsku stanicu i sa jednim vojnim policajcem i vozačem ga vozio u VIZ, u Banja Luku, pa je u toku vožnje nečovječno postupao prema [REDACTED] koji je sjedio na zadnjem sjedištu sa njim, pri čemu su mu ruke bile vezane liscama, a pri svakom pomjeranju oštećenog osumnjičeni bi ga udario zatvorenom pesnicom po zadnjem dijelu glave dok je oštećeni glavu morao držati oborenu prema dole – gledati u pod, što je kod [REDACTED] izazvalo velike patnje, a u periodu od 27.09.1994. godine do decembra 1995. godine, nečovječno postupao prema zatvorenici [REDACTED] tako što je u više navrata oslovljavao sa „balinkura“ što je ona doživljavala uvredljivim i ponižavajućim i što je kod nje izazivalo jaku duševnu bol.

III Duško Drljača zv. Dule

24. Tačno neutvrđenog dana u periodu od kraja oktobra 1992. godine do kraja novembra 1992. godine, koje vrijeme je oštećeni [REDACTED] proveo u VIZ, u prostorijama VIZ-a nečovječno postupao prema zatvoreniku [REDACTED], koga je tukao nanoseći mu tako veliku tjelesnu i duševnu bol i patnje.
25. Tačno neutvrđenog dana u periodu od septembra 1992. godine do kraja jula 1993. godine, koje vrijeme je oštećeni, [REDACTED] proveo u VIZ, u noćnim satima, nečovječno postupao prema ratnom zarobljeniku [REDACTED] tako što je navedenog zatvorenika odveo na groblje u Banja Luci, gdje je isti bio prinuđen da kopa rake za poginule vojnike VRS, pri čemu ga je osumnjičeni udario lopatom kojom je kopao rake, rukama i nogama, psovao mu, a onda ga je zakopao do vrata u raku i držao ga dva sata nakon čega ga je izvadio, nanoseći mu time velike patnje.
26. U periodu od septembra 1992. godine do kraja jula 1993. godine, koje vrijeme je oštećeni [REDACTED] proveo u VIZ, u više navrata kada je bio u smjeni navečer, u prostorijama VIZ-a, nečovječno postupao prema ratnom zarobljeniku [REDACTED] tako što mu je davao u zadatak da nauči jednu pjesmu napamet, pa kada bi došao ujutro onda bi je zatvorenik morao pjevati, pri čemu ga je udario nanoseći mu veliku tjelesnu i duševnu bol i patnju, a takav postupak osumnjičenog imao je za posljedicu i povredu osobnog dostojanstva oštećenog [REDACTED].
27. U periodu od septembra 1992. godine do početka maja 1995. godine, koje vrijeme je oštećeni [REDACTED] proveo u VIZ, sa više drugih neidentifikovanih stražara, više puta nečovječno postupao prema ratnom zarobljeniku [REDACTED] koga je tukao u ćeliji i na

hodniku prilikom izvođenja u mokri čvor ili na ispitivanje, a pri udaranju osumnjičeni se isticao nemilosrdno udarajući oštećenog nogama, rukama, palicom, na sve moguće načine, zadajući mu udarce po cijelom tijelu, svi su ga udarali i sa bejzbol palicom po nogama od čega su mu noge ispod koljena postale plave, te gumenom palicom po ustima i nosu koji mu je slomljen, što je za posljedicu imalo nanošenje velike tjelesne i duševne boli i patnje oštećenom [REDACTED].

IV a) Goran Jorgić zv. Jorga

28. Tačno neutvrđenog dana u periodu od septembra 1992. godine do kraja jula 1993. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je istoga u večernjim satima izveo iz VIZ-a i sa psom odveo na stadion fudbalskog kluba [REDACTED] u Banja Luci i prvo mu je rekao da će mu taj stadion zamjeniti onaj „Poljudski“ gdje je trebao igrati, naslonio mu pištolj na čelo i rekao mu da gleda u nebo i da je to što će zadnje vidjeti, povukao je okidač ali nije bilo metka u cijevi, pa mu je rekao da je za njih ustaše metak skup, zatim ga je svezao za klupu za rezervne igrače zajedno sa psom i rekao mu da je to njemački ovčar i da nije jeo dva dana nanoseći mu time velike patnje, na svaki pokret zatvorenika pas je režao zbog čega je zatvorenik osjećao veliki strah posebno što je tako svezan bio više sati sve do jutra, kada ga je vratio u VIZ, pri čemu mu je nanesea jaka duševna i tjelesna bol i povrijeđeno osobno dostojanstvo.
29. U periodu od septembra 1992. godine do kraja jula 1993. godine, koje vrijeme je oštećeni [REDACTED] proveo u VIZ, u prostorijama VIZ-a u više navrata kada je bio u smjeni nečovječno postupao prema ratnom zarobljeniku [REDACTED] udarajući ga i nanoseći mu tako jaku tjelesnu i duševnu bol i patnje.
30. U periodu od septembra 1992. godine do početka maja 1995. godine, koje vrijeme je oštećeni [REDACTED] proveo u VIZ, više puta nečovječno postupao prema ratnom zarobljeniku [REDACTED] tako što je sa više neidentificiranih stražara, među kojima se on isticao u prostorijama VIZ-a tukao zatvorenika [REDACTED] nanoseći mu na taj način velike patnje od čega je [REDACTED] imao vidljive povrede, a nije mu pružena ljekarska pomoć.
31. Tačno neutvrđenog dana početkom avgusta 1992. godine, kada je [REDACTED] sa više drugih zatvorenika vožen iz logora „Manjača“ u VIZ, sa više vojnih policajaca koji su bili u pratnji, nečovječno postupao prema istom kada je na putu kombi u kome je bio oštećeni zaustavljen, i on izveden iz kombija, rečeno mu je da ide na streljanje, pa su stražari među kojima i osumnjičeni repetirali puške dok je oštećeni stajao ispred njih i bio im okrenut leđima, a nakon nekog vremena mu je rečeno da se okrene i da ponovo ude u kombi što je kod zatvorenika [REDACTED] izazvalo velike patnje.
32. U periodu od oktobra 1992. godine do oktobra 1993. godine, koje vrijeme je oštećeni [REDACTED] proveo u VIZ, nečovječno postupao prema zatvoreniciima [REDACTED] tako što ih je više puta, izvodio iz ćelije i tukao ih u hodniku pri čemu je na njima vježbao karate poteze i pokazivao drugim stražarima kako se

udara nogom karate potez „majgeri“ a najviše udarao [REDACTED] u predjelu rebara i tako je navedenim zatvorenicama nanosio velike patnje.

IV b) Goran Jorgić i Duško Drljača

33. Tačno neutvrđenog dana u periodu od septembra 1992. godine do kraja jula 1993. godine, koje vrijeme je oštećeni [REDACTED] proveo u VIZ, u prostorijama VIZ-a, nečovječno postupali prema ratnom zarobljeniku [REDACTED] koga su natjerali da jede so i pri tome mu rekli da je to „Srpska so“ koja ima posebno značenje, a nisu mu dali piti vodu od čega je istome pozlilo i završio je u bolnici, nanoseći mu time velike patnje.
34. Tačno neutvrđenog dana u periodu od septembra 1992. godine do kraja jula 1993. godine, koje vrijeme je oštećeni [REDACTED] proveo u VIZ, u prostorijama VIZ-a, nečovječno postupali prema ratnom zarobljeniku [REDACTED], tako što su ga udarali, pri čemu ga je Duško Drljača udarao vatrogasnim aparatom i kablovima i nanosili mu velike patnje, usljed čega se isti onesvjestio, a pri čemu su mu slomili ruku, pukla mu je kost i iskočila u predjelu nadlaktice lijeve ruke i trpio je jaku tjelesnu i duševnu bol.
35. Dana 31.07.1993. godine, nečovječno postupali prema ratnom zarobljeniku [REDACTED] tako što su ga iz VIZ-a vozili na razmjenu u Okučane, kojom prilikom su ga cijelim putem tukli, a zatim su ga na jednom mostu, svezali špagom, tako da je visio sa glavom prema dole neka dva sata nanoseći mu time velike patnje.

V a) Goran Savić zv. Paprika

36. U periodu od 13.06.1993. godine do 09.10.1993. godine, koje vrijeme je zatvorenik [REDACTED] proveo u VIZ-u, prema istome postupao nečovječno tako što je u noćnim satima više puta sa većim brojem neidentifikovanih stražara, izvodili navedenog oštećenog iz ćelije na hodnik, gdje bi ga tukao oko sat vremena kundacima od puške, gumenim palicama, rukama i nogama po svim dijelovima tijela od kojih udaraca su mu polomljena rebra, bilo mu je crno na desnoj strani, nije mogao ležati na toj strani, boljela su ga leđa i glava i imao je povredu bubrega, a nakon tog udaranja se nije mogao kretati ni pomjerati, pa bi ga nakon udaranja unijeli u ćeliju nanoseći mu time velike patnje.
37. U periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što ga je u više navrata u hodniku VIZ-a, kada bi navedeni zatvorenik čistio hodnik, tukao udarajući ga rukama i nogama nanoseći mu tako jaku tjelesnu i duševnu bol, i patnje.
38. Tačno neutvrđenog dana u periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je ušao u ćeliju br. 2. u koju je bio smješten navedeni zatvorenik i na mjestu gdje je imao naušnicu provlačio mu je žicu koju je prethodno ugrijao cigaretom, te ga je pržio cigaretom po glavi i ušima od čega je [REDACTED] imao povrede po glavi i ušima, opekline kojima je trebalo puno vremena da zacijele, a što je za posljedicu imalo izazivanje velike patnje kod oštećenog.

39. Tačno neutvrđenog dana u vremenskom periodu od prve polovine novembra 1993. godine do 20.08.1994.godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] koji je u ranim jutarnjim satima, izveden iz ćelije i odveden u jednu kancelariju u kojoj ga je pretukao, tako što ga je oko pola sata udarao jako palicom po bubrezima od kojih udaraca je imao jake bolove, pao na koljena nije neko vrijeme ništa vidio, nakon čega je dugo u tom dijelu tijela oštećeni bio modar, dugo osjećao bolove i dugo mokrio krv a što je za posljedicu imalo izazivanje velike patnje kod oštećenog.
40. Tačno neutvrđenog dana u periodu od septembra 1994. godine do decembra 1995. godine, nečovječno postupao prema zatvoreniku [REDACTED] koji je tada imao 77 godina, tako što ga je, na hodniku kada su u jutarnjim satima vođeni u mokri čvor svi iz ćelije, u kojoj je bio smješten [REDACTED] sa više zatvorenika među kojima je bio i [REDACTED], pretukao, udarajući ga nogama po cijelom tijelu, dok isti nije pao na tlo, a onda je nastavio da ga šutira nanoseći mu velike patnje.

V b) Goran Savić zv. Paprika i Svetislav Cvijetić

41. U periodu od prve polovine novembra 1993. godine do 25.05.1995. godine, koje vrijeme je oštećeni [REDACTED] proveo u VIZ, nečovječno postupali prema ratnom zarobljeniku [REDACTED] tako što su ga, više puta sa još nekoliko neidentifikovanih stražara izvodili iz ćelije, kada je na hodniku morao neprekidno stajati po nekoliko sati uza zid sa podignutim rukama iznad glave od čega nije osjećao ni jedan dio svoga tijela, a pri tome su ga tukli po cijelom tijelu a najviše po bubrezima rukama, palicama i nogama od kojih udaraca je imao jake bolove i bio modar, a u dva navrata su mu pri tome pepeo od cigareta otresali u njegove ruke a kada bi cigarete izgorile, gasili bi ih na njegovim prsima od čega ima ožiljke, a što je za posljedicu imalo izazivanje velike patnje kod oštećenog.
42. Tačno neutvrđenog dana u periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupali prema ratnom zarobljeniku [REDACTED] tako što su ušli u ćeliju u koju je navedeni zatvorenik bio smješten i tukli su ga obojica rukama i nogama po cijelom tijelu, nanoseći mu tako jaku tjelesnu i duševnu bol i patnju.

VI Igor Kljakić zv. Čadžo

43. Tačno neutvrđenog dana u prvoj sedmici oktobra 1993. godine, u ćeliji VIZ-a, nečovječno postupao prema zatvorenima [REDACTED] tako što je zajedno sa više neidentifikovanih stražara, naredio [REDACTED] i drugim zatvorenima da se sa rukama na leđima jedan po jedan popnu na sto iznad kog je bila slika Svetog Save, da istu poljube, da se tri puta prekrste i da kažu „da nam živi Sveti Savo i sav srpski narod“ čime su kod njih izazvali veliku duševnu bol i patnju i povrijedili njihovo osobno dostojanstvo, a kada se zatvorenik [REDACTED], jer je bio krupniji čovjek, nije mogao popeti na sto zajedno sa ostalim stražarima, među kojima se isticao, pretukao [REDACTED], udarali su ga čime su stigli, palicama, rukama, kundacima čime su kod ovog zatvorenika izazvali jaku tjelesnu bol i patnju.

44. U prvoj polovini novembra 1993. godine, odmah po dolasku ratnog zarobljenika [REDACTED] u VIZ, postupao nečovječno prema istome, tako što ga je zajedno sa više stražara neutvrđenog identiteta tukao dok je stajao uza zid sa glavom okrenutom prema zidu palicama, rukama i nogama 10-15 minuta nanoseći mu tako velike patnje.

VII Svetislav Cvijetić

45. U periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je više puta u prostorijama VIZ-a tukao [REDACTED] nanoseći mu jaku tjelesnu i duševnu bol i patnje.

46. Tačno neutvrđenog dana u periodu od kraja novembra 1993. godine do 20.05.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je dao zatvoreniku – pripadnik VRS [REDACTED] pištolj da ubije [REDACTED], pa je zatvorenik [REDACTED] udario pištoljem po glavi [REDACTED] a onda mu je davao pištolj da se sam ubije izazivajući kod [REDACTED] velike patnje i povređujući negovo osobno dostojanstvo.

VIII Mile Vučković zv. Vučko

47. Tačno neutvrđenog dana početkom septembra 1994. godine, kada je oštećeni [REDACTED] doveden u VIZ, prema njemu postupao nečovječno, tako što ga je primio u VIZ a onda ga je sa još jednim policajcem u prijemnoj prostoriji VIZ-a, u kojoj su inače boravili stražari i tu vršili prijem novih zatvorenika, tukao šakama i gumenom palicom, naredili su navedenom zatvoreniku da se skinе a onda su ga nastavili udarati po glavi, leđima i rukama, pa kada je smješten u ćeliju, naredio mu je da stane uza zid sa podignutim rukama uza zid i tako je stajao od podne sve do naveče, nanoseći mu na taj način velike patnje.

48. U periodu od kraja februara 1995. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što ga je više puta na hodniku prilikom odlaska zatvorenika [REDACTED] u prostorije mokrog čvora ili u šetnju, tukao, najčešće ga udarajući policijskom palicom po leđima, nanoseći mu tako velike patnje.

IX Goran Bojić

49. U periodu od početka septembra 1994. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što ga je sa više drugih stražara više puta u prostorijama VIZ-a, kada bi zatvorenik [REDACTED] odlazio u prostorije mokrog čvora ili se vraćao iz tih prostorija, tukao palicom kuda god bi stigao a najviše po leđima i glavi nanoseći mu tako velike patnje, a tačno neutvrđenog dana u mjesecu januaru 1995. godine, ušao je u ćeliju i tada nečovječno postupao prema zatvoreniku [REDACTED] tako što je više puta udario više zatvorenika među kojima i [REDACTED] a onda je pitao [REDACTED] ko je ovdje „[REDACTED]“ a on je pokazao na zatvorenika [REDACTED] koga je tada udario šakom tako jako u predjelu lica da je on od tog udarca završio na podu pod jednim krevetom, pa mu je naredio da ustane a kada je isti ustao ponovo ga je više puta jako udario

šakom u lice od čega je zatvorenik [REDACTED] imao krvne podlive po licu i nanosena mu je velika tjelesna i duševna bol i patnja.

50. Tačno neutvrđenog dana u periodu od početka marta 1995.godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što je u prostorijama VIZ-a, tukao zatvorenika [REDACTED] udarajući ga palicom i rukama po leđima i nogama nanoseći mu velike patnje.
51. U periodu od februara 1995. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što ga je više puta puta u ćeliji i na hodniku tukao nanoseći mu tako velike patnje.
52. U periodu od kraja februara 1995. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što ga je više puta tukao u ćeliji i u hodniku VIZ-a, udarajući ga jako nogama po cijelom tijelu, tako da je [REDACTED] osjećao da to neće preživjeti, čime mu je nanosio velike patnje.
53. Dana 30.10.1995. godine, nečovječno postupao prema ratnom zarobljeniku [REDACTED] tako što ga je u jednoj prostoriji u VIZ, gdje su ga odveli neidentifikovani stražari kako bi se spremio za odlazak iz zatvora radi „razmjene“, tukao udarajući ga nogama i rukama, a na nogama su mu bile čizme i ti udarci su bili posebno bolni, tukao ga je po čitavom tijelu osim po glavi, od kojih udaraca je navedeni zatvorenik osjećao jaku tjelesnu i duševnu bol, nanoseći mu velike patnje.
54. U periodu od početka septembra 1994. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što je ušao u ćeliju u kojoj je isti bio smješten, pa su po njegovom ulasku svi zatvorenici morali ustati i postrojiti se uza zid ćelije sa leđima okrenutim prema zidu, a onda je prišao svakom zatvoreniku i svakog udario nogom u tijelo, nekoga po nogama a nekoga u stomak, a kada je došao do oštećenog [REDACTED] počeo ga je tući prvo udarivši ga nogom kojim udarcem ga je oborio na tlo, a onda ga je nastavio šutirati nogama po cijelom tijelu osim po glavi nanoseći mu velike patnje, nakon čega je izašao iz ćelije, a oštećeni je poslije toga osjetio kako teško uzima dah i kako se ne može nakašljati i trpio je bol u predjelu rebara.

X Gojko Soldat zv. Goja

55. Početkom septembra 1994. godine, kada je zatvorenik [REDACTED] po prijemu u zatvor, nakon što je pretučen, smješten u ćeliju samicu postupao prema istome nečovječno tako što je ušao u njegovu ćeliju i tako pretučenom mu naredio da radi sklekove izazivajući kod navedenog zatvorenika, koji nije bio sposoban da u tom stanju radi sklekove, a pokušavao je iz straha, velike patnje, a u periodu od početka septembra 1992. godine do decembra 1995. godine, koje vrijeme je oštećeni [REDACTED] proveo u VIZ, u više navrata postupao nečovječno prema zatvoreniku [REDACTED] tako što je sa većim brojem stražara izvodio iz ćelije više zatvorenika na hodnik, a među njima i zatvorenika [REDACTED] koga je tukao palicom nanoseći mu time jaku tjelesnu i duševnu bol i patnje.

56. Tačno neutvrđenog dana u periodu od kraja oktobra ili početka novembra 1994. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što ga je dok je bio u samici pozvao da pride vratima od samice i pitao ga je li on taj koji sječe srpske uši i prodaje na „zapadu“, a onda ga je kroz otvor vrata na koja se dodavala hrana 30-40 puta udario vrhom policijske palice po jednom uhu, a onda je tražio da se okrene i na isti način ga više puta udario po drugom uhu od kojih udaraca su oštećenom uši natekle, bile su ljubičasto-modre boje, što je kod oštećenog izazvalo jaku tjelesnu i duševnu bol i velike patnje.

XI Borislav Milaković zv. Boro

57. Tačno neutvrđenog dana u januaru 1995. godine, postupao nečovječno prema zatvoreniku [REDACTED] tako što je sa stražarom Goranom Bojićem došao u ćeliju u kojoj je sa ostalim zatvorenicima bio smješten i [REDACTED] te je istoga tukao nogama na kojima su bile čizme i tom prilikom ga je nogom na kojoj je imao čizmu udario u prednji dio lica i izbio mu prednji zub, nanoseći mu tako velike patnje.

58. Tačno neutvrđenog dana u periodu od početka septembra 1994. godine do decembra 1995. godine, nečovječno postupao prema zatvoreniku [REDACTED] tako što je ušao u ćeliju u kojoj je isti bio smješten sa više drugih zatvorenika uključujući i [REDACTED], naredio da svi u ćeliji stanu mirno, zatim je uputio niz pogrđnih riječi svim zatvorenicima između ostaloga oslovljavajući ih sa „balije i ustaše“, pri čemu je pušio cigaretu a kada je cigareta dogorjela prišao je zatvoreniku [REDACTED] i ugasio cigaretu na njegovom vratu nanoseći mu time velike patnje, a nakon toga na vratu [REDACTED] dugo je vidljiv bio ožiljak.

XII Uroš Grab

59. Dana 07.08.1995. godine, postupao nečovječno prema zatvoreniku [REDACTED] tako što je u prostorijama VIZ-a, [REDACTED] koji je bio posljednji u koloni u povratku zatvorenika sa poslijepodnevnog odlaska u prostorije mokrog čvora, nekoliko puta udario po leđima nanoseći mu velike patnje.

60. Tačno neutvrđenog dana u vremenskom periodu od februara 1995. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema zatvoreniku [REDACTED] tako što je istoga sa više drugih stražara izveo iz ćelije na hodnik, gdje su ga tukli letvama i pendrecima po svim dijelovima tijela što je trajalo najmanje jedan sat, nanoseći mu tako velike patnje od čega je zatvorenik [REDACTED] izgubio svijest a kada je navedeni zatvorenik došao svijesti vidio je da se nalazi u ćeliji, bio je sav u krvi, sa crnim podlivima po cijelom tijelu koje je imao najmanje mjesec dana.

XIII Letić Milenko

61. Dana 07.08. 1995. godine, nečovječno postupao prema zatvoreniku [REDACTED] tako što je, navečer, oko 19,00 sati u ćeliju u koju je bio smješten zatvorenik [REDACTED] ušao sa više stražara i tukao zatvorenika [REDACTED] koji se u ćeliji nalazio prvi do vrata, udarajući ga šakom u glavu i vrat izazivajući kod navedenog zatvorenika time velike patnje.

XIV Draško Radusinović

62. U periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što ga je u ćeliji VIZ-a, u više navrata tukao udarajući ga nogama i rukama i to rukama tako da ga je udarao sa obe ruke otvorenim šakama po glavi u predjelu ušiju od čega duže vrijeme ništa nije čuo, imao je modrice i nanesene su mu na taj način velike patnje, a tačno neutvrđenog dana u istom periodu, nečovječno postupao prema ratnom zarobljeniku [REDACTED] tako što ga je, pošto je vidio da je [REDACTED] prilikom čišćenja hodnika stupio u kontakt sa zatvorenikom pilotem HV-a [REDACTED] koji je stalno bio zatvoren u jednoj samici i sakriven i od predstavnika Crvenog križa, udarao nogama a zatim i nekoliko puta sa obe ruke otvorenih šaka po glavi u predjelu ušiju na hodniku VIZ-a koji je navedeni zarobljenik čistio nanoseći mu tako velike patnje.
63. Tačno neutvrđenog dana u periodu od kraja oktobra ili početka novembra 1994. godine do decembra 1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je ušao u njegovu ćeliju, obratio mu se pitajući ga je li on taj koji je prema Srbima počinio sva ta zlodjela, onda ga je udario stisnutom pesnicom u usta od čega mu je odmah pukla i otekla gornja usna i zalila ga je krv, a zatim ga je udario nekoliko puta nogama po cijelom tijelu od kojih udaraca je imao modrice čime je kod navedenog oštećenog izazvao velike patnje, a u istom periodu nečovječno postupao prema ratnom zarobljeniku [REDACTED] tako što ga je u više navrata udarao nogama i rukama na hodniku i u ćeliji, prilikom odlaska i povratka iz mokrog čvora nanoseći mu velike patnje.

XV Aleksandar Janković zv. Aca

64. U periodu od prve polovine novembra 1993. godine do 30.10.1995. godine, koje vrijeme je oštećeni [REDACTED] proveo u VIZ, nečovječno postupao prema ratnom zarobljeniku [REDACTED] tako što je 5-6 puta došao u ćeliju u kojoj je bio zatvorenik [REDACTED] i dok je navedeni zatvorenik stajao okrenut prema zidu i gledao u krst koji je bio nacrtan na zidu, što su mu naredili zatvorenici – pripadnici VRS koji su bili sa njim u istoj ćeliji, udarao bi ga sa leđa stisnutim pesnicama u predjelu bubrega od kojih udaraca je oštećeni padao na pod, a osumnjičeni bi ga dizao i ponovo udarao na isti način dok ne bi pao, što bi ponovio nekoliko puta a onda izašao iz ćelije, od navedenih udaraca [REDACTED] trpio je jake bolove i noge su mu bile otečene a posljedica toga bilo je nanošenje velikih patnji navedenom oštećenom.

Čime bi počinili:

Rajko Drljača pod tačkama I a)1, I a)2) I a)3) krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ i krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 30. istog Zakona, pod tačkama I a)6, I a)7, I a)18) krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkama I a)4, I a)5, I a)8, I a)14, I a)15, krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RbiH, u vezi sa članom 30. istog Zakona, pod tačkama I a) 9, I a)10,

I a)11, I a)16, I a)17, I a)19, krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ u vezi sa članovima 22. i 30. istog Zakona, pod tačkom I a)21 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom I a)13 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona i pod tačkama I a)12, i I a)20 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. i članom 30. istog Zakona, pod tačkom I b)22 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ i krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članovima 22. i 30. istog Zakona.

Bučan Milić pod tačkom II 23 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Duško Drljača zv. Dule pod tačkom III 24 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom III 25 i III 26 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom III 27, IV b)33, IV b)34, IV b)35 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkom I b)22 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ i krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona.

Goran Jorgić zv. Jorga pod tačkom IV a) 28 i IV a) 29 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkama IV a) 30, IV a) 31, IV b)33, IV b)34, IV b)35 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkom IV a) 32 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom I b)22 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ i krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona.

Goran Savić zv. Paprika pod tačkom V a)36 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni

Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkama V a)37, V a)38, V a)39 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačko V a)40 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkama V b)41 i V b)42 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ u vezi sa članom 22. istog Zakona.

Igor Kljakić zv. Čadžo pod tačkom VI 43 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkom VI 44 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona.

Svetislav Cvijetić pod tačkama V b)41 i V b)42 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkama VII 45 i VII 46 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Mile Vučković zv. Vučko pod tačkom VIII 47 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkom VIII 48 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Goran Bojić pod tačkom IX 49 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkama IX 50, IX 51, IX 52, IX 54 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom IX 53 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Gojko Soldat zv. Goja pod tačkom X 55 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona, pod tačkom X 56 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Borislav Milaković zv. Boro pod tačkama XI 57 i XI 58 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Uroš Grab pod tačkom XII 59 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, pod tačkom XII 60 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ, u vezi sa članom 22. istog Zakona.

Letić Milenko pod tačkom XIII 61 krivično djelo Ratni zločin protiv civilnog stanovništva iz člana 142. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Draško Radusinović pod tačkama XIV 62 i XIV 63, krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

Aleksandar Janković zv. Aca pod tačkom XV 64 krivično djelo Ratni zločin protiv ratnih zarobljenika iz člana 144. Krivičnog zakona SFRJ, koji je preuzet na osnovu Zakona o primjeni Krivičnog zakona RBiH i Krivičnog zakona SFRJ.

T U Ž I L A C
TUŽILAŠTVA/TUŽITELJSTVA BiH